

四庫全書

史部

欽定四庫全書

欽定續通志卷九

唐紀九

代宗

代宗皇帝諱豫肅宗長子也母曰章敬皇后吳氏玄宗諸孫百餘人代宗最長聰明寬厚喜愠不形於色而好學強記初名俶封廣平郡王祿山陷京師代宗從肅宗蒐兵靈武以為兵馬元帥時朝廷草創兵募寡弱代宗

推心示信招懷流散比至彭原兵衆數萬及肅宗回幸鳳翔時房瑄郭子儀繼戰不利賊鋒方銳屢來寇襲代宗選求勇幹頗挫其鋒及興師進討回紇葉護王子率兵入助勇冠諸蕃代宗優接之與結為兄弟乃以李嗣業為前軍郭子儀為中軍王思禮為後軍屯于香積寺賊衆十萬陣于其北而別伏精騎于陣東欲襲官軍之後朔方左廂兵馬使僕固懷恩引回紇就擊之翦滅殆盡李嗣業又與回紇出賊陣後與官軍夾擊之賊遂大

潰賊將之守長安者聞敗棄城走遂復京城乃留思禮  
屯于苑中代宗率大軍以東賊將嚴莊拒于陝州代宗  
率子儀等與戰于州西大敗之安慶緒奔于河北遂復  
東都肅宗還京師進封楚王乾元元年三月徙封成王

四月立為皇太子乃更名豫

新書初太子生之歲豫州  
獻嘉禾于是以為祥更今

名寶應元年四月肅宗寢疾詔皇太子監國及肅宗疾  
篤張皇后惡李輔國欲與太子誅之太子不可后乃與  
越王係謀以肅宗命召太子入宮中官李輔國程元振

知之止太子無入即勒兵入宮殺係及充王倜而幽皇  
后於別殿是夕肅宗崩元振等乃迎太子見羣臣于九  
仙門明日發喪已巳即皇帝位于柩前甲戌以子奉節  
郡王适為天下兵馬元帥郭子儀罷副元帥乙亥進封  
适為魯王兵部尚書判元帥行軍閑廐等使李輔國進  
號尚父飛龍閑廐副使程元振為右監門將軍五月壬  
午以李輔國為司空兼中書令餘如故

按新紀及宰相皆不言兼中

書令李輔國傳云尊為尚父又冊進司空兼中書令新紀表脫誤又按舊書作五月己卯朔新書作五月壬午

通鑑亦同  
今從新書

丙戌嗣魯王宇改封鄒王李光弼進封臨淮王庚寅追尊母為皇太后丙申李光弼及史朝義戰于

宋州敗之改乾元大小錢並一當一以戶部侍郎同中

書門下平章事元載充度支轉運使

按肅宗本紀寶應元年建辰月載已

同平章事矣此乃充轉運使耳舊紀誤仍以同平章事作新銜今據考證改

丁酉大赦賜文

武官階爵刺史予一子官子為父後者勛一轉免民諸

色逋賦進封子益昌郡王邈為鄭王延慶王迴韓王追

復庶人王氏為皇后瑛瑤琚皆復其封號棣王琰永王

璘並與昭雪六月辛亥追廢皇后張氏越王係究王儻  
皆為庶人已未罷尚父李輔國判元帥行軍及兵部尚  
書閑廢等使辛酉以輔國為博陸王罷中書令秋七月  
辛巳觀軍容使魚朝恩封馮翊郡開國公宦官程元振  
為鎮軍大將軍保定郡開國公乙酉殺襄州刺史裴茂

按來瑱傳作裴茂通鑑亦同舊書作裴  
義新書作裴茂疑誤今從來瑱傳改正八月辛未台州

人袁晁反陷台州連陷浙東州縣乙亥徙封适為雍王

按德宗紀在八月舊  
書作九月丁丑誤九月丁丑以山南東道節度使來

瑱為兵部尚書同中書門下平章事節度如故程元振  
進封邠國公丙申右僕射山陵使裴冕貶施州刺史回  
紇來請助討賊冬十月辛酉詔天下兵馬元帥雍王适  
統河東朔方及諸道行營回紇等兵十餘萬討史朝義  
會軍於陝州加朔方行營節度使大寧郡王僕固懷恩同  
中書門下平章事壬戌盜殺李輔國癸酉雍王适克懷  
州甲戌與史朝義戰于橫水大敗之乙亥雍王克東都  
十一月丁亥朝義將薛嵩以相衛洺邢四州降丁酉張



忠志以趙定深恒易五州降十二月庚戌太子太師邠國公韋見素薨辛未僕固懷恩為尚書左僕射兼中書

令靈州大都督府長史河北副元帥

按懷恩傳雍王以元帥為中軍拜懷

恩同中書門下平章事為之副通鑑亦云加左僕射兼中書令新書皆不載疑脫誤新書通鑑皆在十一月已

亥舊書在十月  
二月辛未吐蕃陷臨洮秦成渭等州

廣德元年春正月癸未以國子祭酒劉晏為吏部尚書  
同中書門下平章事度支諸使如故甲申史朝義自殺

按考異云諸軍圍朝義于莫州已在去年十一月末而河洛春秋云圍城四十日僕固懷恩舊傳亦云攻守月

餘然則朝義之死必在今年正月明矣諸書皆云朝義  
此年正月被殺而實錄誤在寶應元年十一月舊紀因  
之又脫十一月其將李懷仙以幽州降田承嗣以魏州  
字今從新書

降壬寅削來瑱官爵長流播州尋賜死閏月戊申以史  
朝義降將張忠志為檢校禮部尚書清河郡王充成德  
軍節度使賜姓名李寶臣薛嵩為檢校刑部尚書相衛  
等州節度使李懷仙檢校兵部尚書兼侍中武威郡王  
幽州節度使田承嗣檢校戶部尚書鴈門郡王魏博等  
州都防禦使三月甲辰山南東道兵馬使梁崇義殺大

將李昭據城自固乃授崇義山南東道節度使辛酉  
癸亥宗皇帝于泰陵庚午葬肅宗皇帝于建陵夏四月庚  
辰河南副元帥李光弼奏生擒袁晁浙東州縣悉平六  
月癸未以陳鄭澤潞節度使李抱玉檢校司空封武威郡  
王河中節度使王昂檢校刑部尚書封邛國公同華節  
度使李懷讓檢校工部尚書同日入省甲午同華節度  
使李懷讓為程元振所構自殺秋七月壬寅羣臣上尊  
號曰寶應元聖文武孝皇帝壬子大赦改元免民逋負戶

三丁免其一庸調給復河北三年以雍王适兼尚書令  
僕固懷恩加太保給功臣鐵券藏名于太廟圖形于凌  
烟閣丁巳僕固瑒充朔方行營節度使是月吐蕃寇河  
隴入大震關陷蘭廓河鄯洮岷等州八月僕固懷恩反  
于汾州九月壬寅遣裴遵慶慰撫之乙丑涇州刺史高  
暉叛附于吐蕃冬十月辛未高暉引吐蕃犯京畿寇奉  
天武功盩厔等縣自司竹園渡渭循南山而東壬申雍  
王适為關內兵馬元帥郭子儀副之癸酉渭北行營兵

馬使呂日將及吐蕃戰于藍屋敗之乙亥又戰敗績丙子帝如陝州豐王珙有罪伏誅戊寅吐蕃入京師立廣武王承宏為皇帝辛巳車駕至陝州郭子儀在商州會六軍使張知節烏崇福長孫全緒等率兵繼至舊將王甫招京城少年大擊鼓於朱雀街吐蕃震懾奔潰庚寅子儀復京城壬辰以元載判元帥行軍司馬癸巳以郭子儀為西京留守高暉聞吐蕃潰東走至潼關守將李伯越擒殺之十一月辛丑削程元振官爵放歸田里壬寅廣

州市舶使呂太一反逐其節度使張休十二月甲午帝  
至自陝州乙未苗晉卿裴遵慶罷宗正卿李峴為黃門  
侍郎同中書門下平章事丙申放承宏于華州吐蕃陷  
松州維州

二年春正月癸卯尚書右丞顏真卿為刑部尚書充朔  
方宣慰使癸亥劉晏李峴罷右散騎常侍王縉為黃門  
侍郎太常卿杜鴻漸為兵部侍郎同中書門下平章事  
罷度支使以戶部侍郎第五琦專判度支及諸道鹽鐵

轉運鑄錢等使郭子儀兼河東副元帥河中觀察等使

二月己巳立雍王适為皇太子

新舊書德宗紀皆在二月新書代宗紀在正月

癸酉帝朝獻于太清宮甲戌享于太廟乙亥有事于南

郊己丑大赦賜內外官階爵三月辛丑給復河南府二

年夏四月癸未制僕固懷恩先任靈州大都督府長史

單于鎮北副元帥朔方節度使宜並停其太保兼中書

令大寧郡王如故秋七月己酉李光弼薨八月丁卯王

縉為侍中持節都統河南淮南山南東道節度行營事

進封太原郡公壬申王縉罷侍中癸巳王縉兼領東京  
留守九月丙午河東節度使辛雲京檢校尚書右僕射  
同中書門下平章事太原尹北京留守郭子儀加太尉  
充北道邠寧涇原河西已東通和吐蕃及朔方招撫使  
陳鄭澤潞節度使李抱玉進位司徒充南道通和吐蕃  
使鳳翔秦隴臨洮已東觀察使子儀讓太尉許之己未劔  
南節度使嚴武及吐蕃戰于當狗城敗之冬十月丙寅  
僕固懷恩引吐蕃寇邠州節度使白孝德閉城拒守丁



卯寇奉天京師戒嚴辛未朔方兵馬使郭晞及吐蕃戰  
于邠州西敗之嚴武奏收吐蕃鹽川城十一月乙酉吐  
蕃潰走京師解嚴河西節度使楊志烈及僕固懷恩戰  
于靈州敗績

永泰元年春正月癸巳朔大赦改元戊申李抱玉兼鳳  
翔隴右節度使兼南道通和吐蕃鳳翔秦隴臨洮已東  
觀察處置等使仍命四鎮行營節度使馬璘為副和吐  
蕃使二月戊寅党項羗寇富平焚定陵寢殿三月丙午

李抱玉讓司徒改授左僕射同平章事庚戌吐蕃請和  
宰臣元載杜鴻漸與吐蕃使盟于興唐寺夏四月戊子  
太保致仕苗晉卿薨庚寅劍南節度使檢校吏部尚書  
嚴武卒五月癸丑以尚書右僕射定襄郡王郭英乂為成  
都尹充劍南節度使秋七月辛卯淄青兵馬使李懷玉  
逐其節度使侯希逸以鄭王邈為平盧淄青節度大使令  
懷玉權知留後事九月僕固懷恩誘回紇吐蕃党項奴  
刺寇邊懷恩死于靈州己酉郭子儀自河中至進屯涇

陽李忠臣屯東渭橋李光進屯雲陽馬璘郝庭玉屯便橋駱奉仙李伯越屯盤屋李抱玉屯鳳翔周智光屯同州杜冕屯坊州帝親率六軍屯苑內丁巳同華節度使周智光及吐蕃戰于澄城敗之智光入鄜州殺其刺史張麟遂焚坊州冬十月己未吐蕃至邠州與回紇入寇辛酉寇奉天癸亥寇同州丁卯回紇請降癸酉郭子儀及吐蕃戰於靈臺敗之京師解嚴閏月辛卯李懷光克靈州丙午封朔方大將孫守亮等九人為異姓王李國臣

等十三人為同姓王丁未百官請納職田充軍費戊申  
進封渭北節度使李光進為武威郡王以刑部侍郎路  
嗣恭檢校工部尚書朔方節度使充關內副元帥劔南  
西山兵馬使崔旰反寇成都邛州柏茂林瀘州楊子琳  
劔南李昌巖皆起兵討旰蜀中亂十一月宰臣河南都  
統王縉請減諸道軍資錢四十萬貫修洛陽宮從之

大歷元年春二月丁亥朔釋奠于國學乙未貶刑部尚  
書顏真卿為峽州員外別駕壬子杜鴻漸兼成都尹充

山南西道劔南東川等道副元帥癸丑以山南西道節度使張獻誠兼充劔南東川節度使邛州刺史柏茂林充邛南防禦使劔南西山兵馬使崔旰為茂州刺史充劔南西山防禦使三月癸未張獻誠及崔旰戰于梓州敗績夏六月戊戌以淮南節度使崔圓檢校尚書右僕射秋八月壬寅以茂州刺史崔旰為成都尹劔南西川節度使邛州刺史柏茂林為邛南節度使癸卯魚朝恩加內侍監判國子監事充鴻臚禮賓等使進封鄭國公

九月辛巳吐蕃陷原州冬十一月甲子大赦改元十二月癸卯周智光反殺前虢州刺史龐充

二年春正月丁巳郭子儀討周智光甲子智光伏誅戊寅給復同華二州兩年二月丙戌封華州牙將姚懷為感義郡王李延俊為承化郡王夏四月癸酉以工部侍郎徐浩為嶺南節度使六月壬寅荆南節度使衛伯玉封城陽郡王秋七月戊申右散騎常侍于休烈為檢校工部尚書知省事八月壬寅殺駙馬都尉姜慶九月甲寅

吐蕃寇靈州進寇邠州郭子儀屯于涇陽京師戒嚴是秋桂州山獠反冬十月戊寅路嗣恭及吐蕃戰于靈州敗之京師解嚴甲申減京官職田三分之一給軍糧十一月庚申改黃門侍郎依舊為門下侍郎

三年春二月癸巳商州兵馬使劉洽殺其刺史殷仲卿三月乙巳朔日有食之夏四月戊寅山南西道節度使張獻誠以疾辭位以右羽林將軍張獻恭為山南西道節度使五月乙卯追謚故齊王佖為承天皇帝戊辰以

劔南西川節度使崔旰檢校工部尚書改名寧庚午以

邛州刺史鮮于叔明為梓州刺史充劔南東川節度使

六月壬辰幽州兵馬使朱希彩殺其節度使李懷仙

新書

作壬寅係崔圓卒  
條下此依舊書

庚子淮南節度使趙國公崔圓卒閏

月己酉郭子儀加司徒庚申王縉兼幽州節度使以尚

書右丞韋元甫為淮南節度使丁卯以幽州節度副使

朱希彩知幽州留後秋七月瀘州刺史楊子琳反陷成

都劔南節度留後崔寬敗之八月壬戌吐蕃寇靈州丁



卯寇邠州京師戒嚴戊辰邠寧節度使馬璘及吐蕃戰  
敗之庚午河東節度使太原尹同中書門下平章事辛  
雲京卒王縉兼太原尹北都留守充河東節度使餘官  
如故九月壬午吐蕃寇靈州朔方將白元光敗之壬辰  
又敗之於靈武京師解嚴冬十月乙未以京兆尹李勉  
為廣州刺史充嶺南節度使十一月丁亥朱希彩為幽  
州長史充幽州盧龍節度使十二月己酉以邠寧節度  
使馬璘為涇原節度使移鎮涇州涇原兵馬使王章之

謀反伏誅

四年春二月乙巳以瀘州刺史楊子琳為峽州團練使

舊書作峽州刺史此據通鑑改

乙卯杜鴻漸罷副元帥三月遣御史稅

商錢甲戌免京兆今歲稅庚寅江西團練使魏少遊封

趙國公六月丁酉以太子詹事臧希讓檢校工部尚書

充渭北節度使以渭北節度使李光進為太子太保秋七

月癸未降死罪流以下原之八月以久雨民困官出米

二萬石減糶以惠貧民冬十一月甲戌吐蕃寇靈州朔

方留後常謙光敗之乙亥杜鴻漸卒丙子左僕射裴冕  
同中書門下平章事充東都留守河南淮南淮西山南  
東道副元帥十二月戊戌裴冕薨是歲廣州人馮崇道  
桂州人朱濟時反容管經畧使王翊敗之

五年春正月辛卯以陝州節度使皇甫溫為鳳翔節度  
使鳳翔節度使李抱玉為河西隴右山南西道副元帥  
壬辰河南尹張延賞充東都留守罷河南等道副元帥  
以其兵屬留守三月癸酉魚朝恩有罪自殺夏四月庚

子湖南兵馬使臧玠殺其團練使崔灌據潭州為亂澧  
州刺史楊子琳道州刺史裴虬衡州刺史楊濟討之丁  
未封朱希彩高密郡王六月己未以彗星減赦天下見  
禁囚徒秋七月丁卯以浙東觀察使薛蕪訓為檢校工  
部尚書太原尹北都留守充河東節度使九月丁丑吐  
蕃寇永壽

六年春二月壬寅李抱玉罷山南西道副元帥嶺南蠻  
梁崇牽據容州三月王翊討平之夏四月己未澧州刺

史楊子琳來朝賜名猷秋八月乙卯淮南節度使韋元甫卒庚午以御史大夫張延賞為淮南節度使

七年春正月庚子以檢校戶部尚書路嗣恭為江西觀察使二月甲寅兵部侍郎李涵為浙西觀察使夏五月乙未以旱大赦減膳徹樂是秋盧龍將李懷瑗殺其節度使朱希彩冬十月辛未以權知幽州盧龍節度留後朱泚檢校左散騎常侍充幽州盧龍節度使丙子以太府卿呂崇賁為嶺南節度使十一月庚辰免巴逢渠集壁

充通開八州二歲租庸

八年春正月壬午昭義軍節度使薛嵩卒甲辰詔京官

三品已上及郎官御史歲舉刺史縣令一人二月丁卯

朱泚加檢校戶部尚書封懷寧郡王

按舊書丁卯上有  
闕文正月丁丑朔

則丁卯當  
在二月壬申永平軍節度使令狐彰卒三月丙子以

工部尚書李勉為永平軍節度使夏五月壬辰赦京師

癸卯降天下死罪流已下原之秋八月己未吐蕃寇靈

州郭子儀與戰于七級渠敗之辛未幽州節度使朱泚

遣弟滔將精騎詣涇州防秋九月壬午循州刺史哥舒  
晃反殺嶺南節度使呂崇賁戊子詔京官五品已上各  
上封事冬十月癸卯加田承嗣同平章事吐蕃寇涇州  
邠州丙寅朔方兵馬使渾瑊與吐蕃戰于宜祿敗績涇  
原節度使馬璘復與戰于潘原敗之十一月乙丑以江  
西觀察使路嗣恭為嶺南節度使浙東觀察使陳少遊  
為淮南節度使

九年春正月壬寅汴宋節度使田神功卒二月辛未徐

州軍亂逐其刺史梁乘己丑以田神王權知汴宋留後  
夏四月壬辰大赦五月丙寅加馬璘尚書左僕射知省  
事秋八月戊寅以皇甫溫為浙東觀察使九月庚子幽  
州節度使朱泚來朝乙巳渭北節度使臧希讓卒冬十  
一月庚子以商州刺史李國清為陝州觀察使十二月  
壬辰降京師死罪流已下原之

十年春正月丁酉昭義軍兵馬使裴志清逐其節度使  
薛寧叛附于田承嗣乙未朱泚請西征吐蕃以弟滔為



幽州留後許之戊申田承嗣反癸丑陷洺州二月乙丑

陷衛州刺史薛雄死之辛未封子述睦王逾郴王連恩

王遘鄜王迅隨王

舊書無之  
據通鑑增

造忻王暹韶王運嘉王遇

端王遙循王通恭王達原王逸雅王丙子河陽軍亂逐

三城使常休明三月甲午陝州軍亂逐其觀察使李國

清夏四月乙未貶田承嗣為永州刺史仍詔河東成德

幽州淄青淮西永平汴宋澤潞河陽諸道出師進討給

復昭義五州二年五月乙未魏博將霍榮國以磁州降

六月甲戌成德軍節度使李寶臣及田承嗣戰于冀州  
敗之秋八月己丑田承嗣寇磁州九月壬寅降京師死  
罪流已下原之壬子吐蕃寇臨涇癸丑寇隴州丙辰李  
抱玉擊敗之丁巳馬璘又敗之于百里城冬十月辛酉  
朔日有食之甲子昭義軍節度使李承昭及田承嗣戰  
於清水敗之己丑尚書右僕射裴遵慶卒十一月丁酉  
魏博將吳希光以瀛州降丁未路嗣恭克廣州哥舒晃  
伏誅

十一年春正月庚寅田承嗣降辛亥崔寧及吐蕃戰敗之  
二月癸亥荆南節度使衛伯玉卒夏四月己卯以前淮  
南節度使張延賞為江陵尹荆南節度使汴州都虞候  
李靈耀反五月癸巳以永平軍節度使李勉充汴宋等  
八州節度觀察留後秋七月庚寅田承嗣寇滑州李勉  
與戰敗績八月丙寅加幽州節度使朱泚同中書門下  
平章事甲申淮西節度使李忠臣河陽三城使馬燧及  
李勉討李靈耀九月乙丑李忠臣等及李靈耀戰于鄭

州敗績冬十月乙酉戰于中牟敗之又敗之于西梁固  
田承嗣以兵援靈耀李忠臣逆擊于匡城大敗之甲寅  
靈耀伏誅十二月丁亥加平盧淄青節度使饒陽郡王李  
正已成德軍節度使隴西郡王李寶臣並檢校司空同中  
書門下平章事庚寅涇原節度使檢校尚書左僕射知  
省事扶風郡王馬璘卒丁酉以涇原節度副使張掖郡王  
段秀實權知河東節度留後昭義節度使李承昭稱疾  
以澤潞行軍司馬李抱玉權知磁邢兵馬留後庚戌加

淮西節度使西平郡王李忠臣檢校司空同中書門下平章事仍兼汴州刺史

十二年春正月辛酉以段秀實為涇州本州團練使二月戊子以李正己之子納為淄青節度留後三月乙卯河西隴右副元帥涼國公李抱玉卒癸亥以太原少尹河南節度行軍司馬權知河東留後鮑防為太原尹北都留守河東節度使庚午復授田承嗣魏博節度使官並如故辛巳元載有罪伏誅貶王縉括州刺史夏四月

壬午太常卿楊綰為中書侍郎禮部侍郎常袞為門下  
侍郎並同中書門下平章事賜田承嗣鐵券癸巳詔諫  
官獻封事勿限時丁酉吐蕃寇黎雅二州崔寧擊敗之  
五月甲戌以前安南都護張伯儀為嶺南節度使秋七  
月己巳楊綰薨八月癸巳賜東川節度使鮮于叔明姓  
李氏九月辛酉以涇原節度副使段秀實為四鎮北庭  
行營涇原鄭棣等節度使庚午吐蕃寇坊州十一月壬  
子山南西道節度使張獻恭及吐蕃戰于岷州敗之十

二月丁亥崔寧及吐蕃戰于西山敗之庚子以朱泚兼隴右節度使權知河西澤潞行營兵馬事

十三年春正月戊辰回紇寇并州鮑防與戰于陽曲敗績二月庚辰代州刺史張光晟及回紇戰于羊武谷敗之夏四月甲辰吐蕃寇靈州常謙光擊敗之秋七月辛未吐蕃寇鹽州慶州八月甲戌李寶臣請復姓張從之十四年春二月癸未魏博節度使田承嗣卒其兄子悅自稱留後三月丁未汴宋將李希烈逐其節度使李忠

臣自稱留後辛酉以前容管經略使王翊為河中少尹  
知府事夏四月癸未張寶臣復請姓李從之五月癸卯  
帝有疾辛酉詔皇太子監國是夕皇帝崩于紫宸內殿  
遺詔皇太子柩前即位以郭子儀攝冢宰八月庚申羣  
臣上尊謚曰睿文孝武皇帝廟號代宗陵曰元陵

代宗廣德二年永泰一年大曆十四年凡十七年



欽定續通志卷九

欽定四庫全書

史部

欽定續通志卷

十二

主事臣尹壯圖覆勘

總校官原任侍講臣王燕緒

欽定四庫全書

欽定續通志卷十

唐紀

德宗一

德宗皇帝諱造，代宗長子也。母曰睿貞皇后沈氏。肅宗元年建丑月，封秦節郡王。代宗即位，以為天下兵馬元帥，進封魯王。八月，徙封雍王。時史朝義據東都，十月，德宗會諸軍屯於陝州，諸將進擊，史朝義敗之，朝義走河北。

遂復東都十一月朝義死河北平進兼尚書令與功臣  
郭子儀等圖形凌烟閣廣德二年二月立為皇太子大  
歷十四年五月癸亥以代宗遺詔即皇帝位於太極殿  
閏月壬申貶中書舍人崔祐甫為河南少尹甲戌貶常  
袞為河南少尹以崔祐甫為門下侍郎同中書門下平

### 章事

按舊書不言常袞先貶河南少尹新書不載貶崔祐甫及常袞再貶湖州刺史考崔祐甫傳常袞劾

祐甫請貶湖州刺史帝以為重改河南少尹時郭子儀  
朱泚亂以平章事當署尾袞如故事代署子儀泚入言  
祐甫不宜貶帝曰卿向何所言今云非耶二人對初不知  
帝怒以來為罔上即而飛職以袞為河南少尹而拜祐甫

門下侍郎同中書門下平章事常衮傳衮奏貶祐南為  
河南少尹帝怒使與祐南換袂再貶湖州刺史新舊書

互有  
脫畧

丙子罷諸州府新羅渤海歲貢鷹鷄戊寅罷山南

貢杞杷江南柑橘非供宗廟者辛巳罷邕府歲貢奴婢

罷黎園樂工三百人及劍南歲貢春酒甲申郭子儀加

號尚父兼太尉中書令餘官如故以朔方都虞候李懷

光為河中尹邠寧慶晉絳慈隰等州節度使以朔方右

留後常謙光兼靈州大都督西受降城定遠軍天德鹽

夏豐節度等使以朔方左留後單于副都護渾瑊為單

于大都護振武軍東中二受降城鎮北及綏銀麟勝等  
軍州節度營田使丙戌罷獻祥瑞貢器飾金銀者還之  
丁亥出宮人放舞象三十二于荆山之陽五坊鷹犬皆  
放之辛卯以河陽三城使馬燧檢校工部尚書兼太原  
尹北都留守河東節度使壬辰以河東節度留後鮑防  
為京畿觀察使丙申兵部侍郎黎幹以罪賜死以戶部  
侍郎判度支韓滉為太常卿吏部尚書劉晏判度支鹽  
鐵轉運等使初晏與滉分掌天下財賦至是晏都領之

六月己亥朔大赦賜文武官階爵加李正己司徒太子  
太傅崔寧李勉以本官同平章事庚子封子誦為宣王  
謨舒王謙通王諒度王詳肅王己巳封弟迺為並王遂  
蜀王丙午詔六品以上清望官每日二人待制癸丑詔  
皇族五服已上居四方者家一人赴山陵己未罷揚州  
歲貢端午日江心所鑄鏡幽州麝香癸亥詔舉可任刺  
史縣令者秋七月戊辰朔日有食之庚午弛邕州金坑  
禁辛卯罷權酷八月甲辰以道州司馬楊炎為門下侍

郎懷州刺史喬琳為御史大夫同中書門下平章事乙巳  
還吐蕃俘冬十月丁酉吐蕃雲南蠻寇茂扶文黎等州  
鳳翔節度使朱泚金吾衛大將軍曲環擊敗之己酉葬  
代宗皇帝於元陵戊午罷九成宮貢立獸炭鑪襄州種  
蔗蒟工以沙苑豭猪三千頭給貧民十一月辛未以鴻  
臚卿賈耽為山南西道節度使壬午喬琳罷癸巳加崔  
寧兼靈州大都督單于鎮北大都護朔方節度等使出  
鎮坊州以荆南節度使兼江陵尹張延賞兼成都尹劍



南西川節度使十二月乙卯立宣王誦為皇太子丙寅晦日有食之

建中元年春正月丁卯朔改元羣臣上尊號曰聖神文武皇帝己巳朝獻於太清宮庚午享於太廟辛未有事於南郊大赦賜文武官階爵子為父後者勲兩轉遣黜陟使於天下二月丙申初定兩稅癸卯以涇原節度使段秀實為司農卿己酉貶尚書左僕射劉晏為忠州刺史癸丑昭義軍節度留後李抱真為本道節度使三

金定四庫全書  
卷十  
月甲戌以前司農卿庾準為江陵尹荆南節度使夏四月乙未涇原裨將劉文喜據城反伏誅六月甲子崔祐甫薨辛丑築奉天城秋七月己丑賜忠州刺史劉晏死八月丁未加朱泚中書令餘官如故以舒王謨為涇原節度大使尚書右丞孟皞為涇州刺史知留後丁巳遣尊母沈氏曰皇太后冬十月庚寅以睦王述為奉迎皇太后使工部尚書喬琳副之

二年春正月戊辰成德軍節度使李寶臣卒其子惟岳

自稱留後魏博節度使田悅反神策都虞候李晟河東  
節度使馬燧昭義軍節度使李抱真河陽節度副使李  
芄討之以永平節度使李勉為汴滑等州河陽三城節  
度都統二月乙未以御史中丞盧杞為御史大夫領京  
畿觀察使以桂管觀察使李昌巖為江陵尹荆南節度  
使乙巳盧杞為門下侍郎同中書門下平章事乙卯振  
武軍亂殺其帥彭令芳及監軍劉惠先夏四月庚寅加  
梁崇義同中書門下平章事崇義不奉詔五月丙寅以

軍興增高稅為十一六月癸巳淮寧軍節度使李希烈  
充漢南漢北諸道兵馬招討使封南平王以討梁崇義  
庚寅以浙江西道為鎮海軍加蘇州刺史韓滉檢校禮  
部尚書充鎮海軍節度使浙江東西道觀察等使辛丑  
尚父中書令汾陽王郭子儀薨壬子以李元為河陽三  
城懷州節度使秋七月戊午朔伊西北庭節度使李元  
忠為北庭大都護四鎮節度留後郭昕為安西大都護  
四鎮節度使庚申楊炎罷以前永平軍節度使張鎰為

中書侍郎同中書門下平章事司空淮陽王侯希逸卒  
辛巳以邠寧節度使李懷光兼靈州大都督單于鎮北  
大都護朔方節度使壬午以幽州隴右節度使中書令  
朱泚為太尉田悅寇臨洺馬燧等擊敗之八月辛卯平  
盧節度使司徒李正己卒其子納自稱留後壬子梁崇  
義伏誅李惟岳將張孝忠以易定二州降九月辛酉以  
孝忠為恒州刺史充成德軍節度使壬戌加陳希烈同  
中書門下平章事癸亥路嗣恭卒甲子以晉絳觀察使

李丞為山南節度使戊辰以杭州刺史元全柔為黔中  
經畧招討兼觀察等使冬十月戊申李納將李洎以徐  
州降十一月辛酉李納寇徐州宣武節度使劉洽與戰  
敗之丁丑馬燧及田悅戰於雙崗敗之甲申李納將王  
涉以海州降十二月丁酉馬萬通以密州降以馬燧為  
魏博招討使

三年春正月丙寅朱滔張孝忠及李惟岳戰於東鹿敗  
之辛未詔減常膳閏月乙未李惟岳將康日知以趙州

降甲辰成德軍兵馬使王武俊殺李惟岳傳首京師麻  
戎馬燧及田悅戰于洹水敗之二月加朱滔檢校司徒  
張孝忠檢校兵部尚書易定滄三州節度使以王武俊  
為恒冀都團練觀察使康日知為深趙都團練觀察使  
三月戊戌田悅將田昂以洺州降以嶺南節度使張伯  
儀檢校兵部尚書兼江陵尹荆南節度使以容管經畧  
使元瑋為嶺南節度使夏四月李納將李士真等以德  
棣二州降壬戌封朱滔為通義郡王甲子借商錢戊寅

張鑑罷是月朱滔反陷德棣二州五月辛卯朔方節度使李懷光率神策及朔方軍討田悅丁酉加馬燧同平章事李抱真檢校右僕射李芄檢校兵部尚書神策營招討使李晟右散騎常侍六月王武俊反辛巳朱滔王武俊以兵救田悅至魏州是日李懷光兵亦至及馬燧李抱真李芄等與戰於連筴山敗績秋七月癸巳停借商錢甲辰李勉檢校司徒李希烈檢校司空李懷光同平章事李芄封開陽郡王八月辛酉以涇原節度留後



姚令言為涇原節度使九月丁亥初稅商錢茶漆竹木  
冬十月辛亥以湖南觀察使嗣曹王臯為江西節度使  
丙辰以吏部侍郎闕播為中書侍郎同中書門下平章  
事李希烈反十一月己卯以淮南節度使賈耽檢校工  
部尚書山南東道節度使以興鳳團練使嚴震為山南  
西道節度使是月朱滔田悅王武俊李納各僭稱王號丁  
丑李希烈自稱天下都元帥太尉建興王

四年春正月丁亥鳳翔節度使張鎰與吐蕃尚結贊同

盟於清水。庚寅，李希烈陷汝州，執刺史李元平。甲午，遣顏真卿宣慰李希烈軍。戊戌，以龍武大將軍哥舒曜為東都畿汝節度使，率鳳翔、邠、寧、涇、原等軍討希烈。丙午，福建觀察使常袞卒。二月丁卯，哥舒曜復汝州。三月辛卯，李希烈寇鄂州，刺史李兼敗之。丁酉，張伯儀及李希烈戰於安州，敗績。嗣曹王臯復蘄州。夏四月庚申，以李勉為淮西招討使，哥舒曜副之。張伯儀為應援使，賈耽嗣曹王臯副之。丙子，哥舒曜及李希烈戰於潁橋，敗之。

五月乙未劉洽為淄青克鄆招討制置使六月庚戌稅  
屋間架筭除陌錢秋七月甲午以李揆為吐蕃會盟使  
八月丁未李希烈寇襄城九月丙戌神策軍行營兵馬  
使劉德信及李希烈戰於滄澗敗績發涇原諸道兵救  
襄城冬十月丁未涇原節度使姚令言反犯京師帝避  
賊西行戊申至奉天朱泚反自稱權知六軍司農卿段  
秀實左驍衛將軍劉海賓死之壬子鳳翔軍亂殺其節  
度使張鎰癸丑李希烈陷襄城宣武軍兵馬使高翼死

之乙卯賜崔寧死丁巳吏部尚書蕭復刑部侍郎劉從  
一諫議大夫姜公輔並以本官同中書門下平章事朱  
泚犯奉天禁軍與戰於城東敗績癸亥賊三面攻城渾  
瑊力戰禦之軍將呂希倩高重傑死焉十一月乙亥以  
隴右節度判官隴州留後韋臯為隴州刺史奉義軍節度  
使靈武留後杜希全鹽州刺史戴休顏夏州刺史時常  
春合兵援奉天至漠谷為賊所敗癸巳李懷光及朱泚  
戰於魯店敗之神策將李晟自定州行營赴難軍於

渭橋十二月壬戌貶盧杞為新州司馬白志貞為恩州  
司馬趙贊為播州司馬庚午李希烈陷汴州

興元元年春正月癸酉朔帝在奉天行宮詔曰立政興  
化必在推誠忌已濟人不吝改過朕嗣服丕構君臨萬  
邦失守宗祧越在草莽不念率德誠莫追於既往永言  
思咎期有復於將來小子長於深宮之中暗於經國之  
務積習易溺居安忘危不知稼穡之艱難不恤征戍之  
勞苦致澤靡下究情不上通事既壅隔人懷疑阻猶昧

省已遂用興戎遠近騷然衆庶勞止力役不息田萊多  
荒暴令峻於誅求疲民空於杼軸天譴於上而朕不寤  
人怨於下而朕不知馴致亂階變起都邑萬品失序九  
廟震驚上累於祖宗下負於蒸庶痛心覲面罪實在予  
賴天地降祐人祇協謀將相極誠爪牙宣力羣盜斯屏  
皇維載張將宏遠圖必布新令自今以後中外書奏不  
得言聖神文武之號可大赦天下改建中五年為興元  
元年李希烈田悅王武俊李納咸以勳舊禮守藩維朕

撫馭乖方致其疑懼皆由上失其道而下罹其災一切  
並與洗滌復其爵位待之如初朱滔以泚連坐路遠必  
不同謀永念舊勲務存宏貸如能効順亦與惟新朱泚  
反易天常盜竊名器暴犯陵寢所不忍言獲罪祖宗朕  
不敢赦除泚外並從原宥應赴奉天并進收京城將士  
並賜名奉天定難功臣身有過犯減罪三等子孫過犯  
減罪二等先稅除陌間架等錢竹木茶漆等稅並停遣

使分往諸道宣諭措罷

舊書繫在上年十二月  
於今年正月朔亦書於西

知為  
也

丙戌以吏部侍郎盧翰為兵部侍郎同平章事戊

子蕭復為山南荆湖淮南江西鄂岳浙江福建嶺南等

道宣慰使丙申以山南東道行軍司馬樊澤為山南東

道節度使以渾瑊為行在都知兵馬使康日知充奉誠

軍節度使二月甲子加李懷光太尉仍賜鐵券懷光反

丁卯如梁州三月李懷光奪廊坊京畿節度使李建徽

神策軍兵馬使楊惠元兵惠元死之癸酉魏博兵馬使

田緒殺其節度使田悅自稱留後以緒為魏博節度使



丁亥加李晟兼京畿渭北鄜坊丹延節度使神策行營  
兵馬使尚可孤為神策京畿渭南商州節度招討使壬  
辰至梁州丁酉加宣武軍節度使劉洽同平章事己亥  
渾瑊檢校左僕射同平章事充朔方節度使邠寧振武  
永平奉天行營副元帥授李懷光太子太保其餘官秩  
並罷夏四月壬寅以邠寧兵馬使韓游瓌為邠寧節度  
使癸卯以奉天行營兵馬使戴休顏為奉天行營節度  
使甲辰李晟為京畿渭北商華副元帥甲寅姜公輔罷

加劍南節度使張延賞同平章事涇原兵馬使田希鑿  
殺其節度使馮河清自稱留後甲子入蕃使左僕射李  
揆卒於鳳州乙丑渾瑊及朱泚將韓旻戰於武功敗之

丙寅加李納平章事王武俊降五月丙子李抱真以王武

俊及朱滔戰於經城敗之

新舊書俱作京城  
按魏志通鑑改

壬辰尚可

孤及朱泚戰於藍田敗之乙未李晟又敗之於苑北戊  
戌又敗之於白華復京師六月癸卯姚令言伏誅甲辰  
朱泚伏誅己酉加李晟司徒兼中書令駱元光尚可孤

檢校左右僕射以涇州將田希鑿為涇原節度使癸丑  
以梁州為興元府給復二年加渾瑊侍中韓游瓌檢校  
左僕射戴休顏檢校右僕射秋七月壬午至自興元丁  
亥李懷光殺宣慰使孔巢父辛卯大赦賜文武官階勳  
爵給復京兆府一年八月辛丑詔所司為贈太尉段秀  
實樹碑立廟壬寅李希烈殺宣慰使顏真卿癸卯李晟  
為鳳翔隴右涇原四鎮北庭行營兵馬副元帥馬燧為  
晉絳慈隰行營兵馬副元帥渾瑊為河中同陝虢行營

兵馬副元帥甲辰以金吾大將軍杜希全為靈州大都督西受降城天德軍靈鹽豐夏節度營田等使以同絳節度使唐朝臣為廊坊丹延等州節度使九月乙亥王武俊加檢校司徒李抱真檢校司空冬十月乙丑馬燧復絳州閏月丁丑李晟至涇州誅其節度使田希鑒戊子李希烈將李澄以滑州降甲午以澄為汴滑節度使神策行營節度使尚可孤卒十一月癸卯宋亮節度使劉洽與曲環大破希烈之衆于陳州戊午復汴州乙丑

蕭復罷十二月乙亥淮南節度使陳少游卒庚辰以刑部侍郎杜亞為淮南節度使

貞元元年春正月丁酉朔大赦改元罷權酷壬戌以吉州長史盧杞為澧州別駕三月丁未李希烈陷鄧州殺唐鄧隨招討使黃金岳戊午加劉洽檢校司空李納司空夏四月乙丑徙封誼為舒王丁丑以江西節度使嗣曹王臯為江陵尹荆南節度使壬午渾瑊及李懷光戰於長春宮敗之丙戌馬燧渾瑊為河中招撫使六月己丑朱

滔卒涿州刺史劉怱自稱留後卒卯以劍南西川節度使張延賞為中書侍郎同中書門下平章事左金吾衛大將軍韋臯檢校戶部尚書兼成都尹劍南西川節度使戊子馬燧及李懷光戰於陶城敗之秋七月丙午以鎮海軍浙江東西道節度使韓滉檢校尚書左僕射同平章事江淮轉運使壬子以劉怱為幽州盧龍節度使八月甲子以旱避正殿減膳甲戌李懷光伏誅丁丑給復河中同絳二州一年進馬燧侍中渾瑊檢校司空駱元光韓

遊瓌唐朝臣各賜實封與一子官張延賞罷戊子前河陽  
節度使開封郡王李芄卒九月辛亥劉從一罷庚申幽  
州節度使劉怱卒辛巳以權知幽州盧龍軍府事劉濟  
為幽州盧龍節度使冬十一月癸卯有事于南郊大赦  
賜奉天興元扈從百官收京將士階爵

二年春正月壬寅盧翰罷以散騎常侍劉滋給事中崔  
造中書舍人齊映同中書門下平章事二月癸亥山南東  
道節度使樊澤及李希烈戰於泌水敗之夏四月丙寅李希

烈為其牙將陳仙奇所誅甲申以仙奇為淮西節度使丁未  
以東川兵馬使王叔邕為劍南東川節度使五月丁酉以伊  
西北庭節度留後楊襲古為北庭大都護伊西北庭節度  
使六月淮西兵馬使吳少誠殺其節度使陳仙奇秋七月己酉  
以度王諒為申光隨蔡節度大使以淮西兵馬使吳少  
誠為蔡州刺史知節度留後以隴右行營節度使曲環  
為陳許節度使戊午以廊坊節度使唐朝臣為單于大  
都護振武綏銀節度使八月丙戌吐蕃寇涇隴邠寧諸



州九月丁酉義成軍節度使武威王李澄卒以東都畿  
唐鄧汝等防禦觀察使賈耽檢校尚書右僕射兼義成  
軍節度使乙巳吐蕃寇好時李晟敗之於汧陽辛亥寇  
鳳翔李晟又敗之冬十一月甲午立淑妃王氏為皇后  
丁酉后崩辛丑吐蕃陷鹽州十二月丁巳以韓滉兼度  
支諸道鹽鐵轉運使吐蕃陷夏州又陷銀州

三年春正月壬寅尚書左僕射張延賞同中書門下平  
章事壬子以兵部侍郎柳渾同中書門下平章事劉滋

罷貶齊映夔州刺史戊寅鎮海軍節度使平章事晉國  
公韓滉卒二月己卯駱元光克鹽夏二州三月丁未李  
晟為太尉馬燧罷副元帥夏五月丁亥以渾瑊為吐蕃  
清水會盟使兵部尚書崔漢衡副之丙午以嶺南節度  
使杜佑為尚書右丞以容管經畧使李復為嶺南節度  
使閏月癸亥以荆南節度使嗣曹王臯為山南東道節  
度使以山南東道節度使樊澤為江陵尹荆南節度使  
辛未渾瑊及吐蕃盟於平涼為吐蕃兵所劫執副使崔

漢衛殺判官韓弇六月丙戌以馬燧為司徒罷其節度使以陝虢觀察使李泌為中書侍郎平章事以左龍武將軍李自良為太原尹河東節度使是月吐蕃驅鹽夏二州居民焚其州城而去秋七月丙辰以左羽林大將軍韓潭為夏綏銀等州節度使壬申賜駱光姓名曰李元諒張延賞薨八月辛巳朔日有食之己丑柳渾罷九月丁巳吐蕃寇汧陽丙寅陷華亭又陷涇州之連雲堡冬十月甲申吐蕃寇豐義韓遊瓌敗之乙酉寇長武城城

使韓全義敗之壬辰射生將韓欽緒謀反伏誅

欽定續通志卷十

欽定四庫全書

欽定續通志卷十一

唐紀十一

德宗二

順宗

貞元四年春正月庚戌朔大赦予刺史一子官增戶墾  
田者加階壬戌以左龍武大將軍王栖曜為鄜坊丹延  
節度使庚午宣武軍行營節度使劉昌為涇原節度使  
壬申劉元佐為四鎮北庭行營副元帥甲戌華州節度

使李元諒為隴右節度使夏四月己亥福建兵亂逐其  
觀察使吳誥五月辛未以太子賓客吳湊為福建觀察  
使吐蕃寇涇邠寧慶鄜等州六月己亥封子諤為邕王

考證曰舊書封皇子皇弟邕王諫等七人為王按代宗  
諸子大曆中盡封無至貞元中始王者新書諸王傳是  
年封憲宗以下十三王則弟當作孫七人當作十四人  
按大曆十四年德宗封子諫為度王諸王傳亦同惟  
文敬太子諤見愛于帝命為子至  
是封邕王舊書作邕王諫亦誤

秋七月庚戌以渾瑊

為邠寧慶副元帥以左金吾將軍張獻甫為邠寧節度  
使陳許防禦兵馬使韓全義充長武城及諸軍行營節

度使癸丑邠寧軍亂都虞候楊朝晟討平之八月乙酉  
檢校司徒汧國公李勉薨九月庚申吐蕃寇寧州張獻  
甫擊敗之冬十一月橫海軍使滄州刺史程日華卒以  
其子懷直權知軍州事

新舊紀及新書藩鎮傳俱在  
二年六月此據舊傳及通鑑

五年春正月甲辰朔日有食之乙卯詔以二月一日為  
中和節李泌請以其日令百官進農書司農獻種耜之  
種王公戚里上春服士庶以刀尺相問遺村社作中和  
酒祭勾芒以祈年穀從之二月戊戌以程懷直為滄景

觀察使庾子大理卿董晉為門下侍郎御史中丞竇參  
為中書侍郎同中書門下平章事三月甲辰李泌薨夏  
吐蕃寇長武城韓全義擊敗之秋九月丙午韋臯及吐  
蕃戰于臺登北谷敗之遂克雋州冬十二月壬申以陝虢  
觀察使杜佑為淮南節度使

六年春正月詔出岐州無憂王寺佛骨迎置禁中二月  
乙亥遣使送還本寺夏閏四月乙卯詔常參官畿縣令  
言事五月壬午以寧州刺史范希朝為單于大都護麟



勝節度使秋八月辛丑殺皇太子妃蕭氏冬十一月庚午有事于南郊賜文武官階爵降囚罪徒以下原之是歲吐蕃陷北庭楊襲古奔于西州回紇誘而殺之安西由是阻絕

七年春正月庚辰以湖南觀察使裴胄為江西觀察使以常州刺史李衡為湖南觀察使三月壬戌左龍武統軍戴休顏卒癸未義武軍節度使張孝忠卒夏四月己未安南首領杜英翰反伏誅秋七月庚午以信州刺史

鄭叔則為福建觀察使戊寅邕王諤為義武軍節度使

諤舊書作諒說見前

以定州刺史張昇雲為留後庚辰以虔州刺

史趙昌為安南都護經畧招討使冬十二月甲午以前

福建觀察使吳湊為陝虢觀察使

八年春三月乙丑山南東道節度使嗣曹王臯薨

舊書作二

月乙丑然正月丙辰朔則二月不得有乙丑也當是三月

庚午宣武軍節度使劉元

佐卒襄州軍亂都將徐誠討平之丙子以荆南節度使

樊澤為山南東道節度使以江西觀察使裴胄為江陵

尹荆南節度使己卯以吳湊為宣武軍節度使夏四月吐蕃寇靈州庚寅以汴州留後劉士寧為宣武軍節度使乙未貶竇參為郴州別駕以尚書左丞趙憬兵部侍郎陸贄為中書侍郎同中書門下平章事壬子吐蕃寇靈州五月癸酉平盧節度使李納卒其子師古自稱留後六月吐蕃寇涇州秋八月乙丑以水災遣使分道宣撫辛卯以李師古為平盧節度使九月丁巳韋臯及吐蕃戰于維州敗之乙亥以太子賓客薛珣為嶺南節度

使冬十一月壬子朔日有食之庚午山南西道節度使  
嚴震及吐蕃戰于黑水堡敗之

九年春正月癸卯初稅茶二月庚戌以易定留守張昇  
雲為義武軍節度使夏五月甲辰以義成軍節度使賈  
耽為尚書左僕射尚書左丞盧邁同中書門下平章事  
以鄭州刺史李融為義成軍節度使丙午董晉罷秋八  
月庚戌李晟薨冬十一月乙酉有事于南郊大赦辛卯  
華州節度使李元諒卒十二月丙辰宣武軍亂逐其節

度使劉士寧壬戌以通王諶為宣武軍節度使以宣武  
節度副使李萬榮為節度留後朔方靈鹽節度使餘姚  
郡王杜希全卒

十年春正月乙酉以虔王諒為朔方靈鹽豐節度大使以  
朔方行軍司馬李樂為留後壬辰南詔蠻大破吐蕃於  
神川來獻捷二月丙午以瀛州刺史劉滄為秦州刺史  
隴右經畧軍使乙丑義成軍節度使李融卒三月乙亥  
以華州刺史李復為義成軍節度使庚辰南詔蠻克吐

蕃鐵橋已東城壘一十六夏四月宣武軍亂李萬榮討  
平之六月壬寅昭義軍節度使義陽王李抱真卒詔以  
其將王延貴權知軍事癸丑以祠部郎中袁滋為冊南  
詔使丙寅韋臯擊吐蕃克峨和城秋七月壬申以邕王  
諲為昭義軍節度使王延貴為節度留後賜名虔休洺  
州刺史元誼據州以叛欽州蠻反八月陷欽橫潯貴等  
州九月戊戌定州張昇雲改名茂昭冬十月王虔休及  
元誼戰于雞澤敗之十二月壬戌貶陸贄為太子賓客

十一年春正月丙申以邕管經畧使王鏐為嶺南節度使夏四月壬戌敗陸贄為忠州別駕丙寅奚寇平州劉濟與戰于青都山敗之五月庚午以旱命有司慮囚丁丑以李萬榮為宣武軍節度使王虔休為昭義軍節度使李樂為朔方靈鹽豐夏四州受降定遠城天德軍節度使甲申河東節度使李自良卒癸巳以通王諶為河東節度使河東行軍司馬李悅為節度留後北都副留守秋八月辛亥馬燧薨九月橫海軍兵馬使程懷信逐

其帥程懷直自稱留後冬十月丁丑以虔王諒為橫海軍節度大使以程懷信為留後

十二年春正月庚子元誼奔魏州命田緒安撫之乙丑

加渾瑊王武俊中書令

舊書作成德軍節度使檢校司徒燕侍中渾瑊然瑊未嘗鎮成

德故考證或云當作河中殊不知成德節度使乃王武俊官號舊書于此自多脫落也茲據通鑑正之

嚴

震田緒韋臯並同中書門下平章事於是方鎮皆叙進兼官三月乙巳以戶部侍郎裴延齡為戶部尚書夏四月庚午魏博節度使田緒卒其子季安自稱留後五月



丙申邠寧節度使張獻甫卒甲辰以邠寧都虞候楊朝

晟為邠寧慶節度使秋七月乙未以東都留守董晉兼

宣武軍節度使時李萬榮病諸將推其子廼為兵馬使

已又逐廼汴州亂故命董晉帥之是日萬榮卒八月已

未朔日有食之

舊書作辛未朔通鑑作乙未是年正月甲午朔則八月朔當以已未為是茲從

新書已巳以田季安為魏博節度使丙戌趙憬薨九月壬

子吐蕃寇慶州冬十月甲戌諫議大夫崔損給事中趙

宗儒並同中書門下平章事

十三年春正月壬寅吐蕃請和帝不許夏四月以旱慮  
囚壬戌雩于興慶宮庚午義成軍節度使李復卒己卯  
以大理卿于頔為陝虢觀察使庚辰以陝虢觀察使姚  
南仲為義成軍節度使五月壬寅吐蕃寇嵩州曹高仕  
擊敗之秋九月己丑盧邁罷冬十月淮西吳少誠擅開  
刁溝入汝詔止之不從

十四年春正月庚寅放自八年至十一年兩稅及榷酒  
錢在百姓復內者三月丙申右神策行營節度鳳翔隴

右觀察使鳳翔尹邢君牙卒以右神策將軍張昌為鳳  
翔尹右神策行營節度鳳翔隴右節度使仍改名敬則  
夏閏五月庚申以左神策行營節度韓全義為鹽夏綏  
銀節度使六月乙巳以旱出太倉粟賑貸秋七月壬申  
趙宗儒罷以工部侍郎鄭餘慶為中書侍郎同平章事  
九月己酉山南東道節度使樊澤卒乙卯以同州刺史  
崔宗為陝虢觀察水陸轉運使以浙東觀察李若初為  
浙西觀察及諸道鹽鐵轉運使又以常州刺史裴肅為

浙東觀察使丙辰以陝虢觀察使于頔為山南東道節度使冬十月癸酉以穀貴出太倉粟減價糴之庚子韓全義奏破吐蕃于鹽州十二月癸酉出東都含嘉倉粟糴之明州將粟鎧殺刺史盧雲以反

十五年春正月丁丑宣武軍節度使董晉卒乙酉以其行軍司馬陸長源為宣武節度使以常州刺史李錡為浙西觀察及諸道鹽鐵轉運使是日汴州軍亂殺陸長源及節度判官孟叔度宋州刺史劉逸準自稱留後庚

辰浙東觀察使裴肅討粟鍠擒斬之己丑以劉逸準為  
宣武軍節度使仍賜名全諒三月甲寅吳少誠反寇唐  
州守將張嘉瑜死之戊午昭義軍節度使王虔休卒戊  
辰以河陽三城節度使李元淳為昭義軍節度使以河  
陽節度押衙衡濟為河陽三城節度使夏六月癸巳山  
南西道節度使嚴震卒秋七月乙巳以興州刺史嚴礪  
為興元尹山南西道節度使八月乙未吳少誠掠臨  
穎丙申陳許節度使曲環卒丁酉以洋州刺史韋士及

為黔中觀察使九月乙巳陳許節度留後上官況及吳

少誠戰于臨潁敗績丙午以上官況為陳許節度使

是年八月書壬申朔而下書辛酉知中間于丙午上滿

書九月也新書有九月乙巳上官況及吳少誠戰于臨

潁並丙午少誠寇許州各條上接四月乙未中間又無

五日至八月則是年本紀兩書均有脫載今依通鑑證

次之然通鑑于八月先紀曲環死此下起乙

未訖辛酉而亦無九月是通鑑仍有脫漏也 吳少誠寇

許州况擊敗之庚戌宣武軍節度使劉全諒卒兵馬使

韓宏自稱留後丙辰削吳少誠官爵令宣武河陽鄭滑

東都汝成德幽州青淄魏博易定澤潞河東淮南徐泗

山南東西鄂岳諸道進軍討之辛酉以韓宏為宣武軍節度使冬十一月丁未山南東道節度使于頔及吳少誠戰于吳房敗之上官況又敗之于柴籬辛亥安黃節度使伊慎又敗之于鍾山十二月庚午壽州刺史王宗又敗之于秋柵渾瑊薨乙未諸道軍自潰於小澗水十六年春正月乙巳恒冀易定陳許河陽四鎮及吳少誠戰敗績二月乙酉以左神策行營銀夏節度使韓全義為蔡州行營招討使上官況副之夏四月丁亥黔中

宴設將傅近逐其觀察使韋士宗

按新書作吳士宗考舊書上年八月以洋

州刺史韋士宗為黔中觀察使通鑑

亦同新書疑誤今從舊書作韋士宗

辛卯以義成軍行

軍司馬盧羣為義成軍節度使五月庚戌韓全義及吳

少誠戰於澱水南敗績壬子徐泗濠節度使張建封卒

其子愔自稱知軍事六月丙午加鄆州李師古淮南杜

佑同平章事以佑兼領徐泗濠節度使張愔起復知徐

州留後秋七月丁巳伊慎及吳少誠戰于申州敗之已

未韋臯克吐蕃末恭城丙寅韓全義及吳少誠戰於五



樓敗績八月韋臯克吐蕃顯城九月癸卯義成軍節度使盧羣卒戊申以左丞李光素為義成軍節度使庚戌貶鄭餘慶為郴州司馬癸丑吳少誠進逼澱水韓全義退保陳州諸軍散還本道陳許將孟元陽及吳少誠戰敗之庚申以太常卿齊抗為中書侍郎同中書門下平章事癸亥以虔王諒為徐州節度使張愔為留後冬十月辛未殺通州別駕崔河圖吳少誠引兵歸蔡州上表待罪戊子詔雪吳少誠復其官爵己丑河東節度使太

原尹北都留守李悅卒甲午以河東行軍司馬鄭儋為  
太原尹河東節度使

十七年春正月甲寅韓全義自蔡州行營還詔仍鎮華  
州二月乙巳韋臯及吐蕃戰於鹿危山敗之夏五月壬  
戌朔日有食之乙酉邠寧節度使楊朝晟卒丙戌以工  
部侍郎趙植為嶺南節度使六月戊戌以定平兵馬使  
李朝宋為朔方邠寧慶節度使乙亥浙西觀察使李錡  
殺上封事人崔善真己酉以邠寧兵馬使高固為邠寧

慶節度使丁巳成德軍節度使王武俊卒其子士真自稱留後秋七月戊寅吐蕃寇鹽州辛巳王士真起復授恒州成德軍節度使己丑吐蕃陷麟州刺史郭鋒死之八月戊午以河東行軍司馬嚴綬為太原尹河東節度使九月壬戌韋臯奏大破吐蕃於雅州冬十月庚子加韋臯檢校司徒中書令封南康郡王十一月辛未宰相賈耽上海內華夷圖及古今郡國縣道四夷述四十卷十二月庚戌淮南節度使杜佑進通典凡九門共二百卷

十八年春正月庚辰以常州刺史賈全為浙東觀察使  
三月癸未以劔南東川行軍司馬李康為劔南東川節  
度使丙戌以河中行軍司馬鄭元為河中尹河中絳節  
度使東都留守王翊卒夏六月癸巳以吏部尚書顧少  
連為東都留守東都畿汝防禦使秋七月乙亥罷正衙  
奏事庚辰賜蔡申光三州帛五萬段米十萬石鹽三千  
石八月壬寅以邕管經畧使徐中為嶺南節度使甲辰  
以嶺南節度掌書記張正元為邕管經畧使九月乙卯

以太常少卿楊憑為湖南觀察使冬十月丁亥以刑部尚書王鏐為淮南節度副使兼行軍司馬己酉鄜坊丹延節度使王栖曜卒十一月丙辰以同州刺史劉公濟為鄜坊丹延節度使

十九年春二月丙申以桂管留後韋武為桂管觀察使己亥安南將王季元逐其經畧使裴泰兵馬使趙均討斬之三月壬子淮南節度使杜佑檢校司空同中書門下平章事以淮南行軍司馬王鏐為淮南節度使夏五

月辛亥湖南節度使裴胄卒己未以荆南行軍司馬裴

筠為荆南節度使

舊書作乙未然上有年亥下有甲子則當是己未也

甲子四鎮

北庭行軍涇原節度使劉昌卒甲戌以涇原節度留後

段佑為四鎮北庭行軍涇原節度使六月陳許節度使

上官況卒甲辰以陳許行軍司馬劉昌裔為陳許節度

使秋七月己未齊抗罷冬閏十月庚戌鹽州將李庭俊

反左神策兵馬使李興幹討殺之丁巳崔損薨十一月

戊寅以李興幹為鹽州刺史得專奏事不隸夏州十二

月戊午以振武行軍司馬閻巨源為單于大都護振武  
麟勝節度使庚申以太常卿高郢為中書侍郎吏部侍  
郎鄭珣瑜為門下侍郎同中書門下平章事

二十年春正月丙戌天德軍防禦團練使豐州刺史李  
景略卒以其判官任簡迪代之己亥鄜坊丹延節度使  
劉公濟為工部尚書以其行軍司馬裴玢代之三月己  
亥以國子祭酒趙昌為安南都護本管經略使昭義節  
度使李萬榮卒秋八月己未以昭義兵馬使盧從史為

昭義軍節度使

二十一年

八月順宗  
改元永貞

春

正月辛未朔帝御含元殿是日

不豫癸巳帝崩於會寧殿年六十四謚曰神武孝文皇帝廟號德宗陵曰崇陵

德宗建中四年興元一年貞元二十一年凡二十六年

順宗皇帝諱誦德宗長子也母曰昭德皇后王氏始封宣城郡王大曆十四年六月進封宣王十二月立



為皇太子為人寬仁喜學藝善隸書禮重師傅見輒先  
拜從德宗幸奉天常執弓矢居左右郤國公主以蠱事  
得罪太子妃公主女也德宗疑之幾廢者屢矣賴李泌  
保護得無廢後侍宴魚藻宮張水嬉綵艦官人為擢歌  
衆樂間發德宗驩甚顧太子曰今日何如太子誦詩好  
樂無荒為對及裴延齡韋渠牟用事世皆畏其為相太  
子每候顏色陳其不可故二人者卒不得用貞元二十  
年太子病風且瘖二十一年正月朔旦德宗御含元殿

即日不豫諸王親戚皆入侍惟太子臥病不能來德宗  
悲傷涕泣疾日益甚癸巳德宗崩丙申太子即皇帝位  
于太極殿二月癸卯朝羣臣于紫宸門辛亥以吏部侍  
郎韋執誼為尚書左丞同中書門下平章事壬子淄青  
李師古乘國喪舉兵寇滑州甲子大赦罷官市民百歲  
版授下州刺史婦人郡君九十以上上佐婦人縣君乙  
丑罷鹽鐵使月進三月庚午放後宮三百人癸酉放後  
宮及教坊女妓六百人戊寅加韋臯檢校太尉李師古

劉濟檢校司空張茂昭司徒戊子吳少誠兼同平章事  
王士真王鏐田季安皆檢校司空癸巳立廣陵郡王純  
為皇太子夏四月壬寅封弟諤為欽王誠珍王進封子  
建康郡王經郟王洋川郡王緯均王臨淮郡王縱淑王  
弘農郡王紆莒王漢東郡王綱密王晉陵郡王總郇王  
高平郡王約邵王雲安郡王結宋王宣城郡王緝集王  
德陽郡王絳冀王河東郡王綺和王封子絢為衡王纁  
會王綰福王紘撫王緄岳王紳表王綸桂王緝翼王戊

申以冊皇太子降死罪以下賜文武官子為父後者勲  
兩轉五月己巳以右金吾衛大將軍范希朝為右神策  
統軍充左右神策京西諸城鎮行營兵馬使秋七月辛  
卯橫海軍節度使程懷信卒其子執恭自稱留後癸巳  
執恭起復為橫海軍節度使乙未皇太子權勾當軍國  
政事太常卿杜黃裳為門下侍郎左金吾衛大將軍袁  
滋為中書侍郎同中書門下平章事鄭珣瑜高郢罷八  
月庚子立皇太子為皇帝自稱曰太上皇辛丑改貞元

二十一年為永貞元年降死罪以下立良娣王氏為太  
上皇后元和元年正月皇帝率羣臣上尊號曰應乾聖  
壽太上皇是月崩于咸寧殿年四十六諡曰至德大聖  
大安孝皇帝廟號順宗陵曰豐陵大中三年增諡至德  
弘道大聖大安孝皇帝

順宗永貞一年

即德宗貞元二十一年正月即位八月傳位憲宗

欽定續通志卷十一

欽定四庫全書

欽定續通志卷十二

唐紀 十二

憲宗

憲宗皇帝諱純順宗長子也母曰莊憲皇后王氏貞元  
四年封廣陵郡王順宗即位冊為皇太子永貞元年八月  
內禪詔立為皇帝乙巳即皇帝位於宣政殿丁未始聽  
政庚戌罷獻祥瑞癸丑劍南西川節度使韋皋卒行軍

司馬劉闢自稱留後己未以表滋為劍南東西兩川山  
南西道安撫大使辛酉太上皇誥冊良娣王氏為太上  
皇后癸亥以尚書左丞鄭餘慶同中書門下平章事九  
月己巳罷教坊樂人正員官辛未河陽三城節度使元  
韶卒癸酉以陳州刺史孟元陽為河陽三城孟懷節度  
使丙子以亢旱賑申光蔡米十萬石陳許五萬石冬十  
月丁酉為曾太皇太后沈氏發哀賈耽薨戊戌表滋罷  
己酉葬德宗皇帝於崇陵十一月壬申貶韋執誼為崖



州司馬袁滋為吉州刺史夏綏銀節度留後楊惠琳反  
以左驍衛將軍李演為夏綏銀節度使壬午吏部尚書  
鄭珣瑜卒十二月甲辰加襄陽于頔同平章事己酉以  
劉闢為劍南西川節度使壬子以右諫議大夫韋丹為  
劍南東川節度使壬戌中書舍人鄭絪為中書侍郎同  
中書門下平章事

元和元年春正月丁卯大赦改元賜文武官階勲爵民  
高年者米帛羊酒辛未以鄂岳沔觀察使韓皋為鄂岳

蘄安黃節度使壬午成德軍節度使王士真同中書門  
下平章事癸未以左神策長武城兵馬使高崇文充神  
策行營節度使甲申太上皇崩於興慶宮戊子興元嚴  
礪東川李康率師會高崇文及神策兵馬使李元奕以  
討劉闢劉闢陷梓州執李康辛卯羣臣請聽政二月嚴  
礪克劍州癸丑加田季安同平章事三月丙子嚴礪克  
梓州丁丑詔削劉闢官爵辛巳楊惠琳伏誅壬辰以高  
崇文為劍南東川節度使夏四月壬寅以前安南經略

使趙昌為嶺南節度使

按舊書在三年三月乙丑朔則壬寅當是四月

丁未杜

佑為司徒平章事如故戊申以隴右經略使劉濼為保  
義軍節度使賑浙東米十萬石初令尚書省六品以上  
職事官太子師傅賓客詹事王府傅等每日兩人待制  
五月壬申敗李康為雷州司馬以橫海軍留後程執恭  
為橫海軍節度使庚辰鄭餘慶罷辛卯尊母為皇太后  
六月癸巳朔降死罪以下賜百姓有父母祖父母年八  
九十以上者粟帛有差丁酉高宗文及劉闡戰於鹿頭

闕敗之加劉濟侍中李師古檢校司徒癸卯高崇文克  
漢州閏月壬戌李師古卒其弟師道自稱留後秋七月  
壬寅葬順宗皇帝於豐陵癸丑高崇文及劉闢戰於玄  
武敗之八月癸亥以左衛大將軍李愿為夏綏銀節度  
使丁卯進封平原郡王寧為鄧王同安王寬澧王延安  
王宥遂王彭城王察深王高密王寰洋王文安王察絳  
王審為建王乙巳以建王審為平盧淄青節度使以李  
師道充節度留後九月丙午嚴礪及劉闢戰於神泉敗

之辛亥高崇文克成都冬十月丙寅以高崇文檢校司

空兼成都尹充劍南西川節度使改封南平郡王

按舊書此

處脫十月字九月辛卯朔則不應有丙寅通鑑亦作十月丙寅戊戌以嚴礪為劍南東

川節度使以將作監柳晟兼興元尹山南西道節度使

庚辰以袁滋為義成軍節度使壬午以李師道為平盧

淄青節度使戊子劉闢伏誅十一月戊申以武寧軍節

度張愔為工部尚書東都留守王紹為武寧節度使丙

辰以內常侍吐突承瓘為神策護軍中尉

二年春正月辛卯有事於南郊大赦賜文武官勲爵乙巳杜黃裳罷巳酉以御史中丞武元衡為門下侍郎中書舍人李吉甫為中書侍郎同中書門下平章事二月庚午司天造新厯成詔題為元和觀象厯夏四月甲子以右金吾衛大將軍范希朝為朔方靈鹽節度使六月辛巳以京兆尹李鄴為鳳翔尹鳳翔隴右節度使秋八月辛巳封杜黃裳為邠國公于頔為燕國公冬十月己酉以李錡為左僕射以御史大夫李元素為鎮海軍浙西節

度使庾申李錡反殺判官王澹大將趙瑒壬戌詔李錡  
在身官爵並削奪乙丑以淮南節度使王鐔充諸道行  
營招討使率汴徐鄂淮南宣歙之師討之丁卯武元衡  
罷癸酉鎮海兵馬使張文良執李錡以獻十一月甲申  
李錡伏誅十二月丙寅以高崇文檢校司空同平章事  
為邠寧慶節度使京西諸軍都統己卯史官李吉甫撰  
元和國計簿總計天下方鎮凡四十八管州府二百九  
十五縣一千四百五十三戶二百四十四萬二百五十

四其鳳翔郿坊邠寧振武涇原銀夏靈鹽河東易定魏博鎮冀范陽滄景淮西淄青十五道凡七十一州不申戶口每歲賦入倚辦止於浙江東西宣歙淮南江西鄂岳福建湖南等八道合四十九州一百四十四萬戶成書十卷

三年春正月癸巳羣臣上尊號曰睿聖文武皇帝大赦罷諸道進奉錢二月丙申李吉甫進封趙國公己丑以武昌軍節度使韓皋為鎮海軍節度使癸丑以郿坊節



度使裴玢為興元府山南西道節度使丙子以右金吾  
衛大將軍路恕為鄜坊節度使三月庚子以定平鎮兵  
馬使朱士明為四鎮北庭涇原節度使夏四月乙亥以  
嶺南節度使趙昌為江陵尹荆南節度使戶部侍郎楊  
於陵為嶺南節度使六月丁丑沙陀突厥七百人攜其  
親屬歸鎮武節度使范希朝乃授其大首領曷勒河波  
陰山府都督秋七月辛巳朔日有食之九月庚寅以山  
南東道節度使于頔為司空同中書門下平章事以右

僕射裴均同平章事充山南東道節度使加韓弘同平  
章事丙申以戶部侍郎裴珀為中書侍郎同中書門下  
平章事戊戌李吉甫罷以淮南節度使王錡檢校司徒  
河南尹河中晉絳慈隰節度使河中節度使檢校司空  
同平章事邵國公杜黃裳卒

四年春正月壬午免山南東道淮南江西浙東湖南荆  
南今歲稅二月丁卯鄭綱罷以給事中李藩為門下侍  
郎同中書門下平章事三月乙酉成德軍節度使王士

真卒其子承宗自稱留後閏月丁卯立鄧王寧為皇太子夏六月丁丑以河東節度使李鄴為刑部尚書充諸道鹽鐵轉運使以靈鹽節度使范希朝為太原尹北都留守河東節度使以右衛上將軍王泌為靈鹽節度使秋七月癸亥吐蕃請和八月丙申環王寇安南都護張舟敗之癸卯贈太師裴冕配享代宗廟庭太師李晟太尉段秀實配享德宗廟庭九月庚戌王承宗起復充成德軍節度使以德州刺史薛昌朝充保信軍節度使丁

邠寧節度使檢校司空同平章事高崇文卒冬十月  
癸酉以右羽林統軍閻巨源為邠寧慶節度使辛巳王  
承宗反執薛昌朝癸未詔削承宗官爵以吐突承瓘為  
鎮州行營招討處置等使戊子改為鎮州行營招討宣  
慰使癸巳以冊儲降死罪以下賜文武官子為父後者

勲兩轉

按舊書是月以冊儲拜赦新書閏三月丁卯立皇太子考惠昭太子傳冊禮用孟夏而不克改

用孟秋亦雨冬十月克行禮蓋制下在閏月至是始受冊成禮耳

十一月癸卯以浙西

草出米二萬石賑之己巳彰義軍節度使吳少誠卒其

弟少陽自稱留後

五年春正月己巳左神策大將軍鄴定進與王承宗戰  
死之三月癸丑以鄭綱為嶺南節度使己未以遂王宥  
為彰義軍節度使吳少陽為節度留後夏四月丁亥范希  
朝張茂昭及王承宗戰於木刀溝敗之壬申以昭義兵  
馬使烏重胤為河陽三城節度使以河陽節度使孟元  
陽為昭義軍節度使戊戌敗前昭義節度使盧從史為  
驪州司馬秋七月丁未赦王承宗加幽州劉濟中書令

魏博田季安司徒淄青李師道僕射乙卯幽州節度使  
劉濟卒其子總自稱留後九月己亥吐突承璀自行營  
還復為左軍中尉辛亥降為軍器使以程文幹為左軍  
中尉壬戌劉總起復充幽州盧龍軍節度使丙寅以太  
常卿權德輿為禮部尚書同中書門下平章事冬十月  
張茂昭以易定二州歸於有司辛巳義武軍將楊伯玉  
張佐元伏誅壬辰以任迪簡為義武軍節度使甲午以  
前義武軍節度使張茂昭檢校太尉兼中書令河中尹

充河中晉絳慈隰節度使十一月庚戌以前河中節度使王鐸檢校司空兼太子太傅太原尹北都留守河東節度使以代州刺史阿跌光進為單于大都護振武麟勝節度使庚申裴均罷十二月癸酉以刑部尚書李鄴為淮南節度使

六年春正月丙申以吳少陽為彰義軍節度使庚申以淮南節度使李吉甫為中書侍郎同中書門下平章事二月壬申李藩罷丙子河中節度使張茂昭卒癸巳以

陝虢觀察使張弘靖為河中尹晉絳慈等州節度使三月乙未以河南尹郝士美為昭義軍節度使丁未以檢校右僕射嚴綬為江陵尹荆南節度使夏四月庚午以戶部侍郎李夷簡為山南東道節度使五月庚子以左金吾衛將軍李惟簡為鳳翔尹隴右節度使丙午前山南東道節度使張均卒壬子賜阿跌光進姓李氏秋七月癸巳尚書右僕射致仕高郢卒八月乙丑以天德軍防禦使張煦為夏綏銀節度使冬十月以前夏州節度



使李愿為武寧軍節度使十一月癸巳華州刺史李藩  
卒十二月巳丑以戶部侍郎李絳為中書侍郎同中書  
門下平章事

七年春正月巳巳以刑部尚書趙宗儒為興元尹山南  
西道節度使癸酉振武河溢毀東受降城二月壬辰以  
京畿旱出粟三十萬石賑之其元和六年所貸粟並放  
免三月庚午敕諸司慮囚夏四月癸巳詔民田種桑六  
月癸巳杜佑罷秋七月乙亥立遂王宥為皇太子改名

恒八月戊戌魏博節度使田季安卒其子懷諫自稱知軍府事辛亥以左龍武大將軍薛平為義成軍節度使冬十月乙未魏博軍舉其衙將田興知軍州事甲辰魏博兵馬使田興為魏博節度使庚戌澧王寬改名憚深王察改名惊洋王寰改名忻絳王察改名悟建王密改名恪田興以魏博六州歸於有司十一月辛酉給復六州百姓一年蕪赦其管內繫囚辛未太保致仕杜佑卒八年春正月辛未權德輿罷癸未以山南東道節度使

李夷簡為成都尹劍南西川節度使以戶部尚書袁滋  
為山南東道節度使二月辛卯田興改名弘正丁酉貶  
于頔為恩王傅三月甲子以劍南西川節度使武元衡  
為門下侍郎同中書門下平章事夏六月丙戌以東都  
留守韓皋為忠武軍節度使辛丑出宮人秋七月丁卯  
以李光進為靈武節度使冬十月庚寅以湖南觀察使  
柳公綽為岳鄂沔鄆安黃觀察使戊戌以神策普潤鎮  
使蘓光榮為四鎮北庭行軍涇原節度使十二月丙戌

以桂管觀察使馬總為嶺南節度使庚寅振武軍亂逐其帥李進賢詔以夏綏節度使張煦為振武節度使丙午以金吾衛將軍田進為夏綏銀節度使滑州薛平魏博田弘正於黎陽界開古黃河道以紓水患

九年春正月乙亥張煦入振武軍討作亂者誅之二月癸卯李絳罷三月辛酉以鄭餘慶為興元尹山南西道節度使夏四月庚寅詔太師咸寧王渾瑊配享德宗廟庭五月癸酉以旱免京畿夏稅六月庚辰以義武軍節

度副使渾鎬為義武軍節度使壬寅河中節度使張弘靖為刑部尚書同中書門下平章事秋七月乙未以御

史大夫趙宗儒為河中尹河中晉絳節度使閏八月丙

辰彰義軍節度使吳少陽卒其子元濟自稱知軍事

舊紀

在九月辛酉以烏重胤為懷汝河陽節度使徙治汝州已

已加田弘正檢校右僕射九月丙戌以袁滋為江陵尹

荆南節度使嚴綬為山南東道節度使吳元濟反屠舞

陽焚葉縣戊戌加河東節度使王鐔檢校司空同平章

事冬十月丙午李吉甫薨壬戌以忠武軍節度副使李  
光顏為忠武軍節度使甲子以山南東道節度使嚴綬  
充申光蔡招撫使督忠武河陽諸道兵討吳元濟戊辰  
以尚書左丞呂元膺為東都留守十一月甲午以御史  
中丞胡証為振武軍節度使丁酉太子太傅范希朝卒  
戊戌以中書舍人裴度為御史中丞以左金吾大將軍  
郭釗為邠寧節度使十二月戊辰以尚書右丞韋貫之  
同中書門下平章事

十年春正月乙酉加宣武軍節度使韓弘守司徒己亥  
削吳光濟官爵命宣武等十六道進軍討之二月甲辰

嚴綬及吳元濟戰於磁丘敗績

胡三省曰磁丘當作慈丘縣屬唐州取縣界慈

丘山為名

壬戌河東將劉輔殺豐州刺史燕重旰伏誅己巳

以羽林將軍李彙為涇原節度使三月庚子李光顏及  
吳元濟戰於臨穎敗之夏四月甲辰又敗之于南頓辛  
亥盜焚河陰轉運院五月辛巳御史中丞裴度兼刑部  
侍郎丙申李光顏大破吳元濟於回曲六月癸卯盜殺

武元衡京師大索庚戌神策軍士以盜名上乃捕得張  
晏等八人誅之乙丑以御史中丞裴度為中書侍郎同  
中書門下平章事秋七月庚午靈武節度使李光進卒  
辛未以神策軍長武城使杜叔良為朔方靈鹽節度使  
甲戌以王承宗有罪絕其朝貢丙戌涇原節度使李彙  
卒以將作監王潛為四鎮北庭涇原節度使八月己亥  
朔日有食之丁未李師道將訾嘉珍於東都作亂呂元  
膺捕得之乙丑李光顏及吳元濟戰于時曲敗績九月



癸酉以韓弘充淮西行營兵馬都統冬十月庚子析山  
南東道為兩節度以戶部侍郎李遜為襄州刺史充襄  
復郢均房節度使以右羽林將軍高霞寓為唐州刺史  
充唐隨鄧節度使刑部尚書權德輿奏請行用新定敕  
格三十卷十一月壬申李光顏烏重胤及吳元濟戰于  
小澗水敗之乙亥以山南東道節度使嚴綬為太子少  
保丁丑李文通又敗吳元濟于固始戊寅盜焚獻陵寢  
宮詔發振武兵二千會義武軍以討王承宗十二月甲

辰李愿及李師道戰於平陰敗之乙丑河東節度使王  
鏐卒

十一年春正月己巳張弘靖罷乙亥劉總及王承宗戰  
於武強敗之癸未削王承宗官爵令河東及河北道諸  
鎮加兵進討甲申盜斷建陵門戟四十七竿二月乙巳  
以中書舍人李逢吉為門下侍郎同中書門下平章事  
三月庚午皇太后崩夏四月庚子李光顏烏重胤及吳  
元濟戰於凌雲柵敗之乙卯劉總及王承宗戰於深州

敗之五月丁卯宥州軍亂逐其刺史駱怡夏綏節度使  
田緡討平之六月甲辰高霞寓及吳元濟戰於鐵城敗  
績秋七月丁丑貶高霞寓為歸州刺史以河南尹鄭權  
為山南東道節度使以荆南節度使袁滋為彰義軍節  
度使權以唐州為理所以華州刺史裴武為江陵尹荆  
南節度使戊寅以隨州刺史楊旻為唐州刺史充行營  
都知兵馬使壬午韓弘及吳元濟戰於郾城敗之八月  
壬寅韋貫之罷己未昭義軍節度使郝士美及王承宗

戰於柏鄉敗之九月乙酉李光顏烏重胤奏拔凌雲柵  
冬十月丁巳以刑部尚書權德輿為興元尹山南西道  
節度使十一月丙寅加劉總同平章事李師道請降加

檢校司空

舊書是年不書十一月以次年正月辛酉朔推之則丙寅非十月也今據通鑑輯

辛

已命內常侍梁守謙監淮西行營諸軍辛卯李文通奏  
敗吳元濟于固始十二月丙午以易州刺史陳楚為義

武軍節度使丁未以翰林學士王涯為中書侍郎同中  
書門下平章事甲寅以閑廡宮苑使李愬檢校左散騎

常侍充唐隨鄧節度使己未西原蠻陷巖州

十二年春正月癸未敗義武軍節度使渾鎬為循州刺  
史甲申敗唐鄧節度使袁滋為撫州刺史三月壬戌鄒  
士美及王承宗戰於柏鄉敗績戊辰賜程執恭名權癸  
未吳元濟將吳秀琳以文城降于李愬夏四月辛卯李  
光顏及吳元濟戰于郾城敗之五月丙子罷河北行營  
專討淮蔡庚辰李愬奏敗吳元濟於吳房獲其將李祐

舊書五月作庚寅朔此據通鑑故丙子庚辰皆係五月

秋七月庚戌以國子祭酒

孔幾為嶺南節度使丙辰以裴度為門下侍郎同平章  
事使持節蔡州諸軍事充彰義軍節度使仍充淮西宣  
慰招討處置使以戶部侍郎崔羣為中書侍郎同中書  
門下平章事以刑部侍郎馬總充淮西行營諸軍宣慰  
副使八月庚申以河南尹辛秘為昭義軍節度使癸亥  
李光顏烏重胤及吳元濟戰於賈店敗績九月丁未李  
逢吉罷甲寅李愬及吳元濟戰於吳房敗之冬十月癸

酉克蔡州

考異曰按十月戊午朔韓愈平淮西碑云壬申愬用所得賊將自文城因天大雪疾馳百

二十里即十五日也又曰用夜半到蔡破其門取元  
濟以獻即十六日實錄已卯執元濟乃奏到日也 甲

戊以淮南節度使李鄴為門下侍郎同中書門下平章  
事以左丞衛次公為淮南節度使甲申給復淮西二年  
十一月丙戌吳元濟伏誅以李愬檢校尚書左僕射充  
山南東道節度使加宣武軍節度使韓弘兼侍中忠武  
軍節度使李光顏河陽節度使烏重胤並檢校司空以  
宣武軍都虞候韓公武檢校左散騎常侍鄜坊丹延節  
度使戊申以馬總為彰義軍節度留後十二月壬戌以

彰義軍節度使門下侍郎同平章事裴度守本官賜上  
柱國晉國公以蔡州留後馬總為彰義軍節度使澠州  
潁陳許節度使

十三年春正月乙酉朔大赦免元和二年以前逋負賜  
高年米帛羊酒辛亥以禮部尚書王播為成都尹劍南  
西川節度使三月戊戌以御史大夫李夷簡為門下侍  
郎同中書門下平章事李鄜罷己酉橫海軍節度使程  
權以滄景二州歸於有司夏四月甲寅王承宗獻德棣



二州庚辰詔復承宗官爵以華州刺史鄭權為橫海軍

節度使五月丙申以李光顏為義武軍節度使

舊書作丙辰然

上有乙酉乙未又六月癸丑朔則不當是丙辰也茲據通鑑改

馬總為忠武軍節度使

戊戌以李愬為鳳翔尹鳳翔隴右節度使丙午以戶部

侍郎孟簡為山南東道節度使六月癸丑朔日有食之

丁丑以程權為邠州節度使秋七月癸未以新除鳳翔

節度使李愬為武寧軍節度使甲申田弘正檢校司空

乙酉削李師道官爵仍令宣武魏博義成武寧橫海等

道進軍討之辛丑李夷簡罷庚戌以左僕射鄭餘慶為  
鳳翔隴右節度使八月壬子王涯罷戊午以尚書右丞  
崔從為興元尹山南西道節度使戊寅前山南西道節  
度使權德輿卒九月甲申以左衛將軍高霞寓為單于  
大都護振武麟勝節度使甲辰以戶部侍郎皇甫鏞諸  
道鹽鐵轉運使程异為工部侍郎並同中書門下平章事  
冬十月甲寅吐蕃寇宥州壬戌靈武節度使杜叔良擊  
敗之癸亥前淮南節度使衛次公卒丙子以左金吾衛

大將軍薛平為義成軍節度使以義成軍節度使李光  
顏為忠武軍節度使十一月丁亥以山人柳泌為台州

刺史以求藥

謹按通鑑輯覽

御批大亂甫戢而亟亟求仙服藥蓋由志滿意盈遂爾一蹶不振而穆宗且甘蹈覆轍而不悟非所謂貽謀不臧者乎

壬寅以河陽節度使烏重胤為橫海軍節度使丁未以  
華州刺史令狐楚為河陽三城懷孟節度使十二月庚  
戌遣使迎佛骨於鳳翔

十四年春正月壬辰李愬克魚臺佛骨至京師癸巳貶

刑部侍郎韓愈為潮州刺史丙申田弘正敗李師道於東阿丙午又敗之於陽穀二月壬戌田弘正奏淄青兵馬使劉悟斬李師道并男二人首請降庚午以劉悟為義成軍節度使封彭城郡王癸酉田弘正加檢校司徒同中書門下平章事三月己丑以義成軍節度使薛平為平盧軍節度使以淄青四面行營供軍使王遂為沂海兗密等州都團練觀察等使夏四月戊午以刑部尚書李愿為鳳翔尹充鳳翔隴右節度使辛未程异薨丙

子裴度罷

謹按通鑑輯覽

御批晉武平吳贊成者獨有杜預而山濤則云吳平之後方勞聖慮其言可謂知要憲宗倚任裴度河南北得以推陷廓清可謂有為之主既而罇异並進度且不安其位中興之業自虧一篲於此可見處成功之難五月庚

辰以楚州刺史李聽為夏綏銀宥節度使丙戌以河東節度使張弘靖為吏部尚書以忠武軍節度使李光顏為邠寧慶節度使庚寅以工部尚書郝士美為忠武軍節度使秋七月戊寅韓弘以汴宋亳潁四州歸於有司弘朝於京師己丑羣臣上尊號曰元和聖文神武法天

應道皇帝大赦免京畿今年秋稅賜文武官階勲爵遣  
黜陟使於天下辛卯沂海將王弁殺其觀察使王遂自  
稱留後丁酉以河陽三城節度使今狐楚為中書侍郎  
同中書門下平章事癸卯以前黔中觀察使魏義通為  
河陽三城懷孟節度使八月己酉韓弘守司徒兼中書  
令癸丑以吏部尚書張弘靖為宣武軍節度使戊午王  
承宗進位檢校左僕射九月戊寅王弁伏誅癸未以國  
子祭酒李遜為忠武軍節度使冬十月壬戌安南軍亂

殺其都護李象古是月吐蕃寇鹽州十一月辛卯靈武  
大將史奉敬破吐蕃於鹽州十二月乙卯崔羣罷

十五年春正月庚子以少府監韓瓘為鄜坊丹延節度

使宦者陳宏志等反皇帝崩

按舊書云時以暴崩皆言  
內官陳宏志弒逆史氏諱

而不書范祖禹曰陳宏志弒憲宗而穆宗不討賊故舊  
史子慮宗疑以傳疑其後文宗謀誅宦者本討元和之  
亂宣宗連起穆宗以為預謀窮治逆黨誅之殆盡其  
子孫皆以為弒無疑矣故正其事曰為陳宏志所弒年

四十三諡曰聖神章武孝皇帝廟號憲宗陵曰景陵

憲宗元和十五年

欽定續通志卷十二